

Bibel fa Kjinja brinjt junt



De Jemeent jeit derch Schwoaret




Jeschräwen von: Edward Hughes
Jemolt von: Janie Forest
Toom Pauss jestalt von: Ruth Klassen
Alastair Paterson
Äwasat von: Ed Zacharias
Häjjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

Fefftich Doag no Jesus siene Himmelfoat kjeem de
Heilja Jeist un beläwd dee waut aun am jleewden.
Wan de Apostel nich wisten woo Gott de Voda, Gott
en sien Sän Jesus, un Gott de Heilja Jeist kunnen
een Gott sennen, freiden see sikj daut Gott met an
wia. Gott holp an opp wundaboare Wäaj aus see
aundre von Jesus vetalden.



Lied dee aun Jesus jleewden deelden irjentwaut un aules met eenaunda wäm daut fäld. Oba een poa Lied, Hananias un Safira, wieren onopprechtich. See vekoften waut Launt, un säden see hauden de Apostel aul daut Jelt jejäft. See hauden oba waut fa sikj jehoolen.




3

"Woo kjemt daut, daut Soton dien Hoat soo unja haft, daut du dän Heiljen Jeist väaluachst?" fruach Petrus am. "Du hast nich Menschen väajeloagen, oba Gott." Doamet foll Hananias han un storf. Waut junge Mana druagen am rut un begrowden am.



4

Nich väl lotta kjeem Safira nenn, un wist nich daut äa Maun jestorwen wia. See luach uk wäajen daut Jelt; un daut wort krakjt soo met ar. Dit muak de Menschen waut daut hieeden angst.




5

Gott de Heilja Jeist deed väl Tieekjens un Wunda derch de Apostel. Eenje kranke Menschen wieren jeheelt aus Petrus sien Schauten opp an foll.



6

Gott weess sikj en dee Tiet met groote Wunda. Mea un mea Menschen jleewden aun Jesus. Dit muak däm Huagen Priesta sea doll. Hee leet de Apostel em Jefenkjnis stoppen.



7

Enne Nacht muak däm HARN sien Enjel de Jefenkjnis Däaren op un brocht an rut, un säd, "Got stot em Tempel un sajcht daut Volkj aules von dit niee Läwen." De Apostel jinjen un lieeden de Menschen von Jesus. Zemorjes worden däm Huagen Priesta siene Mana en, daut daut Jefenkjnis ladich wia.



8

Aus see an fungen, schull de Huaga Priesta de Apostel, "Hab wie junt nich strenj veboden en disen Nomen to lieren?" Petrus un de Apostel säden, "Wie motten Gott mea jehorchen aus Menschen." De Huaga Priesta wia soo doll, daut hee an wull doot-moaken; oba hee leet an vepriejlen un leet an gonen. Daut wia nich leicht fa de Apostel, oba see jehorchten Gott un lieeden wieda von Jesus.



9

Stefanus jleicht Jesus sea, un de Heilja Jeist holp am de Menschen von Jesus lieren. Een Dach neemen see Stefanus faust. Eenje Mana luagen un säden daut Stefanus jääjen Gott räd. Hee säd an waut hee jleewd, un dan schmeeten see Steena no am daut hee storf.



10

Ea Stefanus storf leet de Heilja Jeist am em Himmel kijken, un hee sach woo harlich Gott wia, un Jesus stunt aune rajchte Sied biesied am. De Lied, dee Stefanus steenijden, hieeden am sajen, "Har Jesus, nemm mienen Jeist opp." Un soo aus Jesus am Kjriez uk deed, bäd hee aus hee storf, daut Gott an vejäwen sull fa am doot-moaken.



11

Stefanus sien Doot wia de Aunfank von wua väle fa äaren Gloowen lieden musten. Een junga Maun, Saul, help dee waut Stefanus dootmuaken, un deed aundre Christen faust nämen. Väle trocken dan von Jerusalem wajch, en Judäa un Samaria nenn. Blooss de Apostel bleewen en Jerusalem.



12

Wan äare Fiend an uk proowden doot to moaken, räden see emma wada von de goode Norecht en Jesus aus see sikj vespreeden. Dee waut Jesus deenden hieeden daut nich opp, wiels Gott sien Heilja Jeist läwd en an un oabeid derch an.



13

De Jemeent jeit derch Schwoaret
Eene Jeschicht von en daut Wuat Gottes,
de Bibel
finjt eena en
Aposteljeschicht 5-7

"Wan dien Wuat openboat woat,
jeft daut Licht." Psalm 119:130

14



Daut Enj

56



60

15

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

16